

interest, quod si Christianus contrahat cum fœmina infideli non baptizata, matrimonium sit irritum: Sic cum hæretica, sit quidem illicitum, non tamen irritum.

## C A P V T XXI.

## De Polygamia.

1. **P**O LYGAMIA idem est, quod pluralitas vxorum: Est ergo quæſtio, an in Veteri Testamento licuerit vni viro habere simul plures vxores? Ratio dubitandi est, quia nec Adam, nec vllus aliis ab initio mundi, vſque ad diluuium, habuit simul plures vxores, niſi ſolus Lamech. (Genef. 4. 19.) Qui idcirco reprehenditur à Nicolao Papa in Epift. ad Lotharium Regem, vbi illum vocat adulterum. cap. an non 24. quæſt. 3. At ſi licuiffet habere plures, cur Lamech eo nomine reprehenderetur? Cur nullus aliis, ex tot millibus virorum, qui vixerunt ante diluuium, plures habuit?

2. At contra eſt, quia multi sancti viri post diluuium Polygamia vñi ſunt; quod non feciſſent, ſi fuiffet prohibita. Nam Abraham habuit duas vxores, Saram & Agar. Jacob duas, Liam & Rachelē: Elcana duas, Annam & Phenennam: David plures, Achinoam, Abigail, Maacha, Aggith, Abital, Eglam, Betsabee, Michol. Et ſic deinceps.

3. Respondeo 1. Polygamia repugnat primæ institutioni matrimonij, quæ à Deo facta eſt in Paradiſo. 2. Repugnat etiam aliquo modo legi naturæ.

3. Deus

3. Deus tamen concesſit, vt post diluuium liceret habere plures vxores, quod ante diluuium non licebat. 4. Hæc concesſio, quam alij dispensatione vocant, confirmata eſt per Legem Mosaicam. 5. Sed reuocata per Euangelicam, quia Christus in Euangeliō reduxit matrimoniu[m] a primam institutionem, ita vt non amplius liceat habere plures simul vxores. Hæc singula confirmanda ſunt per totidem conclusiones.

## CONCLVSI O I.

*Polygamia repugnat primæ institutioni Matrimonij, quæ à Deo facta eſt in Paradiſo.*

4. **S**ic docent Hieronymus, Chrysostomus, Theophylactus, Beda, Anſelm. in c. 19. Mat. Ambros. in libr. de viduis circa finē, August. l. i. de nuptiis & concupiſcentia cap. 9. afferentes matrimonium initio institutum fuifſe inter vnum & vnam, & conſequenter exclusam polygamiam. Quod dupliciter probari potest. Primò ex Scriptura, quæ vtitur numero singulari. Gen. 1. 27. *Masculum & fœminam creauit eos.* Et cap. 2. 24. *Relinquet homo patrem & matrem, & adhærebit uxori ſuæ.* Et erūp̄ duo in carne vna. Non dixit in plurali; Masculum & duas, vel tres fœminas creauit: Nec adhærebit uxorisbus suis: Nec, erunt plures in diuerſa carne. Secundò, ex ipſa hominis creatione. Nam & Deus voluiffet Adamū habere plures vxores, fine dubio creauisset illi plures fœminas, quas in vxores ducere potuiffet. At vnam tantū creauit. Voluit ergo vna

ii 2

vxore contentum esse. Vnde Innocentius cap. Gaudemus de diuortiis, accommodatè ait, vnam tantum costam in vnam fœminam, non plures in plures fœminas fuisse conuersas,

## C O N C L U S I O II.

*Polygania repugnat etiam aliquo modo  
legi naturæ.*

5. **I**ta Innocentius loco citato, D. Thomas qu. 65. art. 1. &c alijs paſſim Theologi, excepto Durādo, & aliis pauculis. Et probatur i. ex dictis, quia si Polygamia omnino conformis esset naturæ, Deus, qui est auctor naturæ, ab initio illam instituisset, præsertim cum eo tempore fuisset maximè necessaria ad propagandum genus hūmanum. At Deus non instituit tunc Polygamiam, sed Monogamiam: Ergo Polygamia non est omnino cōformis legi naturali. Secundò, quia contra legem naturæ fit, quando res vni tradita, & ab eo legitime possessa, alteri traditur possidenda; sed maritus in matrimonio tradit corporis sui potestatem vxori; ergo iure naturæ non potest illam alteri tradere. Tertiò, quidquid repugnat fini matrimonij à natura intento, hoc repugnat legi naturali: At pluralitas vxorum repugnat fini matrimonij à natura intento. Et quidem duplici fini. Alter est, mutuum obsequium viri & fœminæ. Alter, remedium concupiscentiæ. Utique repugnat pluralitas vxorum. Priori quidem, quia nihil magis repugnat mutuæ charitati & obsequio coniugum in demestica viuendi ratione, quam rixæ & contentiones. At si

vnuſ

vnuſ vir habet plures vxores, facillimè inter eas diretur cōtentio, æmulatio, & inuidia; maximè si vna plus, alia minus à viro diligetur: Vel si vna esset sterilis, altera fœcūda. Exempla sunt in Scripturis. Nam Sara non potuit ferre Agar. (Genesis 21. 9.) Rachel inuidebat Liæ propter fœcunditatem. (Genesis 30. 1.) Phenenna affligebat Annam. (1. Reg. 1. 6.) Posteriori verò, quia qui plures haberet vxores, non posset omnibus & singulis satisfacere, quod ipsarum libidinem & cōcupiscentiam.

6. Dixi in conclusione, *Aliquo modo.* Nō enim absolutè & simpliciter contra naturam est, habere plures vxores, sed tātum ex parte. Quod sic explicabo. Finis matrimonij triplex est. Primus, procreatio seu propagatio prolis. Secundus, mutuum obsequium coniugum in domestica viuendi ratione. Tertius, remedium cōcupiscentiæ. Primus est primarius seu principalis: reliqui duo, secundarij. Ignoratur Polygamia non repugnat fini primario, id est, procreationi prolis; quia quo quis habet plures uxores, potest plures liberos procreare: sed repugnat finibus secundariis, vr ostensum est: Vnde sequitur, Polygamiam, ratione finis primarij, conformem esse legi naturæ; ratione secundarij, repugnantem. Et hoc probant tria argumenta pro conclusione allata. Sed secundum debet explicari hoc modo. Contra legem naturæ fit, quando res vni tradita ad certum finē, ita traditur alteri, vt ille finis impediatur: Non autem, quando res vni tradita ad certum finem, ita traditur alteri, vt ille finis non impediatur. Si ergo vir daret potestatem sui corporis vni fœminæ, vel ad mutuum obsequium, vel ad remedium concupiscentiæ, faceret contra

I i 3 legem

legem naturæ , si eandem tradeat alteri fœminæ ad eundem finem , quia tunc finis ille impeditur. Si autem daret vni ad procreationem prolis, & alteri ad eundem finem; non facret contra legem naturæ , quia per hoc finis ille non impeditur.

## CONCLVSIO III.

*Deus concepit post diluvium, ut liceret habere plures uxores, quod antea non licebat.*

1. Ta authores citati. Ratio sumitur ex ipso facto. Nam constat , ut initio dixi , quosdam sanctos viros habuisse plures uxores, quas procul dubio non accepissent, nisi fuisset illis à Deo concessum, & quamvis aliqui dubitent de Abrahamo (de quo paulo post) tamē de Iacob, Elcana, Dauid, & quibusdam aliis dubitari non potest. De Iacob cōstat ex illo Gen. 30.25. *Dixit Iacob sacero suo: Da mihi uxores & liberos meos, pro quibus seruini tibi, ut abeam.* De Elcana 1. Reg.1.2. *Elcana habuit duas uxores: nomen uni, Anna: & nomen secunde, Phenenna.* De Dauid 1. Reg. 25.42. *Surrexit Abigail, & secuta est nuncios Dauid, & facta est illi vxor. Sed & Achinoā accepit Dauid, & fuit viraque vxor eius.* Et secundo Regum 1.2. *Ascendit ergo Dauid, & dua uxores eius, Achinoā & Abigail.*

8. Quæres 1. An hæc cōcessio Polygamiæ primo omnium facta sit Abrahamo? Resp. Non legimus quemquam post diluvium habuisse plures uxores, ante tempora Abrahami. De Abrahamo quæsto

stio est. Plerique docent, habuisse illum duas uxores, Saram & Agar. Alij contra, Saram fuisse legitimam vxorem; Agar non vxorem, sed concubinam. Quod tripliciter probant. Primo ex illo Genesis 25.5. *Dedit Abraham cuncta, quæ possederae, Isaac: filii autem concubinarum largitus est munera.* Vbi per concubinas intelliguntur Agar & Cetura. Secundo ex verbis Iudæorum Ioann. 8. 41. *Nos ex fornicatione non sumus nati, id est, Non sumus nati ex Agar concubina Abraham, sed ex Sara legitima eius vxore.* Tertio, quia aliqui Patres ita sentiunt, ut Ambrosius libro 1. de Abrahamo capite 4. & Augustinus libro 2. contra aduersarium Legis & Prophetarum capite 9. & lib. 22. contra Faustum capite 30. & lib. 16. de Ciuitate Dei capite 25. Ambo enim excusant Abrahamum, quod viuente legitima vxore quæsuerit filium ex ancilla: asserentes eum id fecisse, non ex libidine, sed ex amore posteritatis. Quod si putassent Agar fuisse legitimam eius vxorem, nou opus erat tali excusatione.

9. Hæc tamen sententia non placet. Primo, quia magnam iniuriam facit Abrahamo , quasi sciens commiserit adulteriu ; quod absit à tanto Patriarcha. Secundo, quia repugnat Apostolo ad Galatas 4.2.2. *Vbi ait Abrahamum habuisse duos filios, unum de ancilla, & unum de libera.* Et per hoc fuisse significatum, quod Deus habiturus esset duos populos: Vnum ex Synagoga; alterum ex Ecclesia. Ergo ex sententia Apostoli , Abraham fuit figura Dei : Duo filij Abraham, Ismaël & Isaac, fuerūt figura duorum populorū, nempe populi Iudaici, & populi Christiani: Agar, mater Ismaëlis, fuit figura Synagogæ; & Sara , mater Isaac, figura Ec:

clesiae: At sicut Ecclesia est legitima, non autem adulterina mater Christianorum; ita Synagoga fuit legitima, non autem adulterina mater Iudeorum. Ergo similiter, sicut Sara fuit legitima mater Isaac; ita Agar, legitima mater Ismaelis. Et consequenter, utraque legitima vxor Abrahæ.

10. Ad argumenta contraria sic respondeo. Ad i. Nomen concubinarum sèpè sumitur pro veris vxoribus, sed secundariis & ignobilioribus. Nam inter plures vnius viri vxores, solebat una esse primaria, quæ erat domina & gubernatrix familiæ, cui reliquæ deferebâr. Sic Sara erat domina; Agar, ancilla. Ut rique tamè vxor. Tametsi igitur Agar & Cetura, loco citato, vocentur concubinæ Abrahæ, erant tamen vxores: Et alibi sic vocantur. Agar quidem Genesis 16. 3. Cetura vero Genesis 24. 1. Vide Pererium & Cornelium in cap. 25. Genesis, versu 5. & Bellaminum de matrimonio capite 11. **NOTA.** Abraham habuit tres vxores: unam primariam, quæ erat Sara: duas secundarias, quæ erant Agar & Cetura. Non tamen habuit tres simul, sed tantum duas, Saram & Agar. Nam post mortem Saræ, duxit Ceturam (Genesis vigesimo quinto, versu 1.)

11. Ad 2. Iudei non loquuntur de fornicatione carnali, sed de spirituali, id est, de idololatria. Itaque sensus illorum non est hic: Nos non sumus nati ex Agar, concubina Abrahæ; sed hic potius: Nos non sumus idololatriæ, sed cultores veri Dei. Hoc patet ex ilis ipsorum verbis: *Nos ex fornicatione non sumus nati: unum patrem habemus Deum.* Quæ posteriora verba non cohaerent cum prioribus, si esset sermo de fornicatione carnali. Non enim esset bona connexio,

connexio, si dixissent: Nos nō sumus nati ex concubina Abrahæ, sed vnu patrem habemus Deum. Hæc autem est bona connexio: Nos non sumus cultores idolorum, sed vnius veri Dei. Vel, Nos non descendimus ex gentilibus idololatris, sed ex Patriarchis vnius Dei cultoribus. Vide Augustinum & Maldonatum in illum locum, & Bellaminum de Matrimonio, cap. II.

12. Ad 3. Ambrosius & Augustinus nō dissentunt à nobis. Nam Ambrosius tripliciter excusat Abrahamum. Primo, quod eo tempore nondum esset prohibitum adulterium per legem scriptam. Secundo, quod amore posteritatis, non ardore libidinis, id fecerit, vxore consentiente: & tandem pœnitentiam egerit. Tertio, quod non peccauerit, sed futurum mysterium significauerit; nempe illud mysterium, quod explicat Apostolus ad Galatas quarto, versu 22. (de quo supra §. 8.) Hæc tercia excusatio est vera. Ex qua sequitur, Abrahamum ex instinctu Dei fecisse, quod fecit; vt suo facto significaret, fore aliquando, vt Deus coniungat sibi Synagogam & Ecclesiam, sicut ipse coniunxit sibi Agar & Saram. Porro Augustinus nō negat, Agar fuisse vxore Abrahæ (cum Scriptura disertè hoc affirmet, Genesis 16. 3.) sed solum defendit Abrahamum contra Manichæos, assertens, illum, viuente adhuc Sara vxore, accepisse Agar ancillam, non ex libidine, vt putabant Manichæi, sed ex amore posteritatis. Et quidem Sara consentiente & instigante. Quod est verissimum, vt patet Genesis 16. versu 1. **NOTA.** Sara, cùm aduerteret se esse sterilem, videtur ex diuina inspiratione instigasse Abrahamum, vt accipe-

ret Agar ancillam , & ex illa prolem suscitaret, ad præfigurandum mysterium , de quo dictum est. Sicut etiam Rebecca , ex divino instinctu , instigauit Iacob filium suum , ut fingeret se esse primogenitum , & hoc prætextu peteret à patre suo Isaac benedictionem. Quæ res etiam non carebat mysterio.

13. Quæres 2. Quare Deus post diluuiū concesserit Polygamiam , quæ antea non erat concessa? Respondeo. Concessit illam duplici de causa. Primo, ad propagandam prolem , qui est primarius finis matrimonij. Secundo, ut esset figura seu typus pluralitatis, seu multitudinis gentium, quæ Christo, tanquam sposo, erat coniungenda. (Augustinus libro de bono coniugali, capite decimo octavo. Diuus Thomas quæstione 65. articulo secundo ad quintum. Valentia quæstione prima de matrimonio, parte tertia.) Sed quare propter easdem causas, non concessit illam in principio mundi? Respondeo. Hoc pendet ex libera ipsius voluntate. Potest ramen dari hæc causa, quia Monogamia, quam instituit in principio mundi, poterat vtrumque præstare. Primo, quia erat sufficiens ad propagandam prolem. Secundo, quia erat typus seu figura coniunctionis Christi cum Ecclesia. Nota. Christus potest conferri, vel cum Ecclesia, quæ est vna: vel cum multitudine gentium, quæ recipiuntur in Ecclesiam. Priori modo fuit representatus per Monogamiam; posteriori per Polygamiam. Nam sicut ante diluuium , vir coniunctus vni tantum vxori, erat figura coniunctionis Christi cum vna Ecclesia: ita post diluuium, vir coniunctus pluribus vxoribus, erat figura copiæ

coniunctionis Christi cum multis populis ac gentibus.

14. Sed cur Deus ad eundem planè finem, nempe ad propagandam prolem, primo ordinavit Monogamiam, deinde Polygamiam? Respondeo. Deus solet pro diuersitate temporum, ordinare diuersa media ad eundem finem. Sic ad dirigendū hominem in suis actionibus, ordinavit primo legē naturalem: deinde legem Mosaïcam: postremo legem Euangelicam. Similiter, ad sustentationem hominis, concessit primo carnes animalium, sine vlla restrictione: postea restrinxit hanc concessiōnem ad carnes eorum tantum animalium, quæ in lege Mosaïca habebantur munda: tandem, sublata hac restrictione, rediit ad primam concessiōnem. Idem dico in proposito. Ad propagationem prolis ordinavit primo Monogamiam: deinde concessit Polygamiam: demum, explosa Polygamia, reuocauit monogamiam; & simul commendauit cœlibatum ac virginitatem.

15. Dices, Polygamia est utilior ad propagandam prolem, quam monogamia. Respondeo. Ita quidem nos putamus. Sed aliter res habet in consilio & prouidentia Dei. Quod patet ex cœnu. Nam quando instituit monogamiam in paradiſo, dixit Adamo & Euæ: Crescere & multiplicamini. Quibus verbis dedit illis, & posteris eorum benedictionem & fœcunditatem. Itaque monogamia coniuncta cum hac benedictione, erat sufficientissima ad humani generis propagationem. Quando autem, cessante hac benedictione, cœperunt fœminæ esse steriles, tunc concessit Polygamiam, ut hac ratione sterilitatē

compensaret. Sic contigit Abrahamo. Habebat vxorem sterilem: concessa est illi alia vxor, ut problem suscitaret. Genes. 16. versu 2. Postea, multæ aliæ steriles fœminæ subsecutæ sunt, vt Rachel, vxor Iacob; Anna, vxor Elcanæ; Michol, vxor David, & sic deinceps.

16. Dices 2. Polygamia, ut supra ostensum est, repugnat secundario fini matrimonij, qui est mutuum obsequium coningum, & remedium libidinis. Cur ergo Deus illam concessit? Respondeo. Deus pro sua prouidentia obtulit sufficiens subsidium, vel ad tollédam illam repugnantiam: vel certè ad cauendum, ne obesseret, sed potius prodesset. Primò, quia fœminas, quæ nubebant vni viro, hortabatur ad conseruandam concordiam. Sic per Angelum hortatus est Agar ancillam Abrahæ, ut se submitteret & accommodaret Saræ, ad cauendas contentiones, Genes. 16. versu 9. Secundò, aliquando permittebat huiusmodi contentiones ad exercitium patientiæ, & postea magno beneficio compensabat. Sic permisit Annam affligi à Phenenna; Et postea consolatus est eam concessione insperatae prolis, primo Regum primo, versu vigeſimo, & cap. 2. versu primo. Tertiò, aliquando mitigabat æſtum libidinis, ut non opus esset frequēti vſu matrimonij. Sic fecit Saræ filiæ Raguelis. Quod ipsa fatetur, Tobia tertio, versu decimo ſexto. *Tu ſcis Domine, inquit, quia nunquam concupiui virum, & mundam seruavi animam meam ab omni concupiscentia.* Et infra. *Virum cum timore tuo, non cum libidine mea conſensi fūſcipere.*

## IV. Con-

## IV. CONCLVSIΟ.

*Hæc concessio diuina, qua licebat habere plures uxores, confirmata est per legem Mosaicam.*

17. **H**oc tripliciter probari potest. 1. Quia nusquā est reuocata per legem Moſai-cam. 2. Quia viri sancti, qui vixerunt in lege Moſaica, habuerunt plures uxores, vt Elcana, David, & alij. 3. Quia lex Moſaica videtur Polygamiam approbare, Deuteron. vigeſimo primo, versu de- cimo quinto. *Si habuerit homo uxores duas, unam dilectam, & alienam odiosam; & fuerit filius odiosus primo- genitus, volueritque substantiam inter filios suos diuide-re, non poterit filium dilecta facere primogenitum, & preferre filio odiosæ; sed filium odiosæ agnoscet primoge-nitum.* Vbi sermo est de veris vxoribus. 1. quia in textu vocantur uxores, 2. quia filii illarum pote-rant esse hæredes patris, & diuidere substantiam illius; quod non licuisset, si altera fuisset vxor, & altera tantum concubina. Nam filii concubinæ non potuissent esse hæredes.

## V. CONCLVSIΟ.

*Hæc concessio reuocata est à Christo, ut iam non liceat habere plures uxores.*

18. **S**ic definitum est in Concilio Tridentino, ſessione 24. Canone ſecundo contra Lu-therum & Anabaptistas. Kemnitius & alij Luthe-rani idem ſentient, contra Lutherum. Et merito. Nam

Nam Christus in Euangelio reducit matrimonium ad primam institutionem, & reuocat concessiones, quæ Iudæis erant factæ. Nam duo erant illis concessa ex Indulgètia. 1. vt dato libello repudij, possent suas vxores dimittere, & alias ducere. 2. vt possent plures simul habere uxores. Vtrumque à Christo reuocatum est, Matth. 19. v. 3. Prius quidé his verbis: *Quod Deus coniunxit, homo non separabit.* Et infra: *Moyses ad duritiam cordis vestri permisit vobis dimittere uxores vestras: Ab initio autem non fuit sic. Dico autem vobis, quia quicunque dimiserit uxorem suam, nisi ob fornicationem, & aliam duxerit, mœchatur: & qui dimissam duxerit, mœchatur.* Posteriorius vero his: *qui fecit hominem ab initio, masculum & fœminam fecit eos.* Et dixit: *Propter hoc dimitte homo patrem & matrem, & adhærebit uxori sua.*

19. Vbi illa particula, *Ab initio non erat sic,* manifestè significat, ea quæ Iudæis erant permissa, fuisse contra primam matrimonij institutionem. Et est hic sensus. 1. Ab initio nō licebat dimittere uxores. 2. Ab initio fecit Deus masculū & fœminam, id est, vni viro dedit vnam tantum uxorem. Igitur ab initio, nec fuit libellus Repudij, nec Polygamia: sed vtrumque permisum fuit Iudæis ex quadam Indulgètia. Nunc permisso illa reuocatur, & redditur ad primævam institutionem. Sic explicat Interpretes. Eodem sensu loquitur Apostolus Romanorum septimo, versu tertio. *Mulier, viuente viro, vocabitur adultera, si fuerit cum alio viro: si autem mortuus fuerit vir eius, liberata est à lege viri, ut non sit adultera, si fuerit cum alio viro.* Quod est contra concessionem repudij. Et prima Corinthiorum septimo, versu secundo. *Propter fornicationem*

*autem*

*aurem unusquisque suam uxorem habeat, & unaqueque suum virum habeat. Et rursus. Mulier sui corporis potestatem non habet, sed vir. Similiter autem & vir sui corporis potestatem non habet, sed mulier. Quod est contra concessionem Polygamiae.*

10. Ex dictis colligo tria argumenta contra Polygamiam. Primum, Christus vult eo modo seruari matrimonium apud Christianos, quo ab initio fuit institutum in Paradiso: sed ab initio fuit institutum inter masculum & vnam fœminam, non inter masculum, & plures fœminas: Ergo Christus vult eo modo seruari apud Christianos. Alterum, Christus dicit eum mœchari, qui dimissa uxore, aliam duxerit: Ergo nec licet priorem dimittere, nec plures simul habere. Nam si non licet nouam accipere, priore viuente; certè pluralitas uxorum prohibita est. Tertium, sicut mulier non habet potestatem sui corporis, ita nec vir: sed mulier, ex eo præcisè, quod non habeat potestatem sui corporis, quam viro tradidit, non potest alterum virum accipere, priore adhuc viuente. Ergo similiter de viro dicendum est. Hoc argumentum fundatur in iure Euangelico, quidquid sit de iure naturali. Nam secundum legem Euangelicam, vir & mulier, in hac parte, sunt pari conditio-ne. Sicut ergo secundum legem Euangelicam, non licet mulieri habere duos viros; ita nec viro duas uxores. Quare? Quia sicut vir dat viro plenam potestatem sui corporis, quoad vnam matrimonij; ita vicissim vir uxori: Ergo sicut illa non potest alteri viro eandem potestatem dare,

dare, nisi per iniuriam; ita nec vir potest alteri vxori dare, nisi per iniuriam. Vide Augustinum libro primo de adulterinis coniugis capite 8. & 9. Vbi pulchre explicat æqualitatem viri & vxoris, de qua hîc agimus.

21. Dices, Valentinianus Imperator, qui fuit pius & Catholicus, legem promulgavit, ut liceret vnicuique duas vxores habere, teste Socrate libro quarto historiarum, capite vigesimo septimo. Respondeo. Valentinianus meritò reprehenditur ab omnibus Catholicis. Et quidem duplii titulo. Primò, Quod arrogauerit sibi potestatem, quam non habuit. Non enim licebat illi abrogare legem Euangelicam à CHRISTO latam, & aliam contrariam statuere. Secundò, Quod prætextu huius legis, voluerit suam turpitudinem & libidinem occultare. Nam ipse, cùm haberet legitimam vxorem, nomine Seueram, ex qua suscepserat Gratianum; aliam insuper duxit, nomine Iustinam, cuius amore tenebatur. Ne igitur solus esset Polygamus, quæsiuit socios sui sceleris, permittendo omnibus Polygamiam.

22. Iuxta ea, quæ hactenus dicta sunt, tria tempora distingui possunt. Primum, ab initio mundi usque ad Abrahamum. Secundum, ab Abrahamo usque ad CHRISTVM. Tertium, à Christo usque ad finem mundi. In primo fuerunt primi parentes cum suis posteris. In secundo, iudei cum suis progenitoribus, Abrahamo, Isaac, & Iacob. In tertio sunt Christiani. In primo viguit sola monogamia. In secundo concessa est Polygamia: In tertio reducta est monogamia, & explosa Polygamia. Quid hoc significat? Nihil aliud, quæm quod

Deus

Deus initio Mundi instituerit matrimonium in perfecto statu. Deinde, ex quadam indulgentia permiserit quedam Iudeis, quæ multum derobabant perfectioni matrimonij. Denique reduxerit matrimonium ad primævam perfectionem. Hoc in multis aliis solet euenire. Verbi gratia. Natura humana ab initio fuit creata in sua perfectione. Paulatim degenerauit per peccatum. Tandem per Christum restaurata est. Omitto similia exempla, quæ nota sunt.

## C A P V T XXII.

1.



ZELOTYPIA, ut hic sumitur, frequens inter coniuges malum est, & in eo consistit, quod alter alterū de adulterio suspectum habeat. De qua lata fuit lex Mosaïca Num. 5.14. præscribens modum inuestigandi, an mulier, quam vir suspectam habebat de adulterio, verè adultera esset, nec ne: Adulteria enim solent occultè committi, vt per testes probari non possint. Deus igitur, qui occulторum iudex est, præscripsit hunc modum explorandi.

2. Primò, Vir suspectam vxorem ducebat ad Sacerdotem coram Tabernaculo. 2. Offerebat ibi oblationem Zelotypiæ, nempe, farinam hordeaceam, sine oleo & thure. 3. Sacerdos accipiebat aquam sanctam in vase fictili, & in eam immittebat pauxillum terræ de pauimento Tabernaculi.

Kk bernaculi.

bernaculi. Et ista aqua, terræ permixta, vocabatur *aqua amarissima*. 4. Super hanc aquam proferebat maledictiones. 5. Discooperiebat caput mulieris & in manibus eius ponebat oblationem Zelotypiæ, id est, farinam hordeaceam. 6. Tum similiter proferebat maledictiones super mulierem, dicens: si innocens es, non nocebit tibi aqua ista amarissima, in quam maledicta congeSSI: si rea, subiacebis his maledictionibus: *Dominus Deus, in cuius conspectu sis, purifex re faciat femur tuum, & tumens vterus tuus disrumpatur.* Septimò, Mulier respondebat, *Amen, amen.* Octauo, Sacerdos has secundas maledictiones scribebat in libro; mox scripturam abluebat aquâ, quam habebat in vase fictili. Nonò, Farinam hordeaceam accipiebat ex manu mulieris: & partem illius adolebat, partem sibi teserubat. Decimò, Aquam maledictam dabat mulieri bibendam. Et si erat rea, statim femore putrescente, & vtero intumescente, disrumpebatur, & sic exspirabat. Adduxit Rabbini, eodem tempore, quo adultera puniebatur, diuinitus punitum fuisse adulterum, etiam absentem, cum quo occulte peccauerat. Quod an verum sit, non satis constat.

3. Quæres 1. Quare Deus instituerit hunc modum inuestigandi adulterium? Respondeo. Quia volebat ostendere. 1. Se esse præsidem ac vindicem fidei coniugalis. 2. Se esse testem & protectorem innocentiarum, ne scilicet zelotypia, si nullus esset innocentiarum testis, gigneret in matrimonio lites, rixas, homicidia. 3. Se occulta scelerâ videre, manifestare, punire. 4. adulterium esse graui-

grauissimum scelus, publica pœna & confusionē plectendum; ut vxores, si non amore castitatis, saltem timore pœnae & confusionis in officio continerentur.

4. Quæres 2. Quid significauerint illæ ceremoniæ, quæ adhibebantur. Respondeo. Erant variæ ceremoniæ. Primi, oblatio farinæ hordeaceæ sine thure & oleo. Quare sine thure? Quia thus symbolum est deuotionis & bona famæ. At zelotypia infamiae plena. Quare sine oleo? Quia oleum est symbolum lenitatis & misericordiæ. At zelotypia crudelis; tum ex parte adulteræ; tum ex parte pœnae, quæ illi imponitur. Secundi, Terra de paumento sumpta, & in aquam immissa. Vtrumque vile & abiectum. Et declarat adulteram esse vilem instar lutoli pulueris, qui pedibus calcatur, iuxta illud Ecclesiastici 9.10. *Omnis mulier, quæ est fornicaria, quasi sterlus in via concutabitur.* Tertiò, Aqua amarissima. Quotum? Quia adultera, contra Sacerdote & populo, afficiebatur magna amaritudine animi, propter publicam confusioneM. Quartò, aqua maledictionibus Sacerdotis onusta: quæ significabat, adulteras diuinis maledictionibus obnoxias esse. Quintò, caput mulieris discooperit. Nempe, quia omnia Deo nuda & aperta sunt: Nec adulteria, quia in occulto fiunt, latere eum possunt. Vide Theodoreum q.10.

5. Quæres 3. An etiam in Nouo Testamento sit similis modus explorandi adulteria? Respondeo. Olim inter Christianos fuit hic modus usitatus, ut mulier, quæ erat suspecta de adulterio,

probaret suam innocentiam tangendo ferrum candens. Et si adulteretur à ferro candente, habebatur adultera; sin minus, innocens. Verum cum talis probatio seu purgatio non sit à Deo instituta, merito à Canonibus damnata est (cap. Omibus, & cap. Consuluisti 2. quæstione 4.) Vide Martinum Deltrium libro quarto de Magia, capite quarto.

## C A P V T   XXIII.

*De Libello Repudij.*

**E**R T V M est, permisum fuisse Iudæis, vxores suas dimittere, & dare illis libellum Repudij, iuxta illud Deuteronomij 24. 1. *Si acceperit homo vxorem, & habuerit eam, & non inuenierit gratiam ante oculos eius proper aliam quam fœditatem, scribet libellum Repudij, & dabit in manu illius, & dimittet eam de domo sua. Cumque egressa alterum maritum duxerit, & ille quoque oderit eam, dederitque ei libellum Repudij, & dimiserit de domo sua, vel certè mortuus fuerit: non poteris prior maritus recipere eam in uxorem, quia polluta est, & abominabilis facta est coram Domino. Hic aliqua examinanda sunt.* 1. Quo sensu permisum fuerit Iudæis, dimittere seu repudiare suas vxores? An ita, vt dimittendo non peccarent? An verò, vt peccarent quidem, sed lege non punirentur? 2. quibus de causis licuerit vxores dimittere

mittere seu repudiare? 3. quæ ceremoniæ adhiberi soleant? & quæ fuerit formula verborum, qua libellus Repudij scribebatur? 4. An sicut viri poterant repudiare vxores, ita vicissim vxores potuerint repudiare viros?

## Q V A E S T I O   I.

*Quo sensu permisum fuerit Iudæis vxores dimittere?*

1. **M**ulti putant, non fuisse licitum Iudæis dimittere, seu repudiare suas vxores; sed solum permisum, vt impunè facerent, ad maius malum evitandum. Ita Magister in 4. dist. 33. Bonaventura & Richardus ibidem, ac nonnulli alij. Et iuxta hanc sententiam peccabant Iudæi dimittendo suas vxores, nec matrimonij vinculum dissoluebatur: ac proinde, si vxores acciperent novos maritos, non erat nouum matrimonium, sed adulterium.

2. Probatur 1. Quia loco citato (Deut. 24.) dicitur, mulierem repudiatam, si alteri nupserit, fieri pollutam & abominabilem coram Deo; quia scilicet nubendo alteri, committit adulterium. Quod etiam repetitur Ierem. 3. 1. his verbis: *vulgo dicuntur: Si dimiserit vir uxorem suam, & recedens ab eo duxerit virum alterum; nunquid reuertetur ad eam ultra? nunquid non polluta & contaminata erit mulier illa? Tu autem fornicata es cum amatoribus multis: tamen renuntiere ad me, dicit Dominus, & ego suscipiam te.* Secundò, quia repudium fuit Iudæis permisum propter duritiam cordis eorum.

Kk 3 (Matth.